

Pineqarpoq: Inatsisartut inissiani attartortittakkani akiliutinut tapiissutaasartut pillugit Inatsisissaanut nr. xx., ulloq xx.xx. 2015-meersumut siunnersuut.

(Ilaqtariinnermut, Naligiissitaanermut Isumaginninnermullu Naalakkersuisuni ilaasortaq)

Akissuteqaat

(Ilaqtariinnermut, Naligiissitaanermut Isumaginninnermullu Naalakkersuisuni ilaasortaq)

Aappassaaneerpeqarnera

Matumuuna Naalakkersuisut Ilaqtariinnermut Peqqissutsimullu ataatsimiititaliaq qujassuteqarfigissavaat aappassaaneerinnilluni inissiani attartortittakkani akiliutinut tapiissutaasartut pillugit inatsisissatut siunnersuutip sukumiisumik suliarinnissimanerat pillugu. Naalakkersuisut maluginiarpaat ataatsimiititaliap tamakkiisup allannguutissatut siunnersuut tunuliaqtsersimagaa tamatumali kingunerisaannik siunnersuut taamatut isikkoartillugu akuersissutigittinniarneqartoq.

Ilaqtariinnermut Peqqissutsimullu ataatsimiititaliap isumaliutissiissutiminni, Naalakkersuisunut kissaateqarput, matuma kingorna immikkuualuttunut itisiliivigeqqusimasaannut sammisumik akissuteqaqqullugitå.

Ataatsimiititaliamit ernumassutigineqarpoq siunnersuuteqarnermi manna tikillugu peqqussummi atuussimasumi killissarititat ingerlateqqinniarneqarsimangimmata. Ataatsimiititaliap aamma ersersippai killissarititat ukiuni arlaqalersuni allanngortinneqarnikuusimanginnerat. Tassunga tunngatillugu erseqqissaassutigineqassaaq tamakku suliap ingerlateqqinnerani suliarineqartussanut ilaammata, tassa qanoq ilinertigullu killissarititat nikisinneqartassanersut eqqarsaatigalugit pisartussat.

Ilaqtariinnermut Peqqissutsimullu ataatsimiititaliap isumaliuutissiissutimini tikkuarsimavaa inatsisissatut siunnersuummi ilaatinneqarsimangimmat, qanoq iliorluni iluanaarniapilunnissaq siunertaralugu inissiani attartortittakkani akiliutinut tapiissutaasartut atorniarneqartarnerat qaangerniarneqarnera. Inatsisissap akuersissutigineqarnerata kingorna peqqussutissaq suliarineqalissaaq. Taanna avammut tusarniaassutigineqarumaarpoq tamatumani inuiaqatigiit ingerlanneqarneranni mianerineqartariaqartut aqutsinermilu ingerlatsisut najoqqutarissaarnissaat eqqarsaatigalugu suliarineqartussat. Tamatumani neriuutigineqarluni qisuariaatit aqutissiuusseqataasinnaasarumaartut. Neriuutigineqartunut ilaavoq inissiani attartortittakkani akiliutinut tapiissutaasartut allanngortinneqarnerisigut inissaaleqisut angerlarsimaffeqanngitsullu eqqugaatinnaveersaartinneqarnissaat. Naatsorsuutigineqarpoq peqqussut nutaaq kingusinnerpaamik 1. januar 2016-mi atuutilersinneqarsinnaajumaartoq.

Inatsisip nutaap atuutilersinniarnernut atatillugu aammalu qulakkeerumallugu allaffisornikkut ingerlatsisussat naammaginnartunik sakkussaqaarnissaat, Naalakkersuisut pilersaaruteqarput pingajussaaneerinninnissamut atatillugu allannguutissamik siunnersuuteqarniarlutik. Tamatumani oqaatsit atorineqartut taamatullu ”massakkut isertitarineqartut” qanoq paasineqassanersoq erseqqissaavigineqassallutik. Tamanna tunngavigalugu Naalakkersuisut neriuutigaat innuttaasut iluaquserneqarnissaat siunertaralugu siunnersuut tamaginnit tapersorsorneqarumaartoq.

Taamatut oqaaseqarlunga Inatsisartut siunnersuut pillugu oqallilluarnissaannik kissaappakka.